

Per trutgs e pitgognas dals 07-10-2011

Proposta da Norbert Grond

Excursiun a la riva dal Rom

Durada: ca. 2.5 uras
Differenza d'atezza engiu: ca. 380 meters
Lunghezza: ca. 14 km

Tschierv 1160 m – Müstair 1275 m

Ruta:

Durant las vacanzas da scola proponin nus in'excursiun simpla e bella per l'entira famiglia.

L'excursiun pon ins era far davent da Müstair vers Tschierv.

Oz faschain quella dentant da Tschierv fin Müstair

Tar la davosa fermada da la posta sisum Tschierv, chattain nus il mussavia vers la funtauna dal Rom.

Ina senda natirala a l'ur dal flum maina tras ina bella natira, palì, ognas, inslas e vegetaziun.

Visavi Fuldera munta la senda magari stipa fin sut Lüsai. A Furom chattain nus puspè la riva dal Rom.

Sut la vischnanca da Valchava chattain nus ina bella piazza per far la marena cun pussaivladad per grillar e cun ina piazza da giu per ils uffants.

Davent da Valchava daventa il Rom in flum magari grond e lartg.

Fin al cunfin a Müstair ston ins calcular cun in temp da viadi da ca. 2,5 uras.

Tgi che vules terminar il viadi avant, po far quai en mintga vischnanca che sa chatta sin il percurs da l'excursiun.

Indispensabel: Buns chalzers e vestgadira da stgamiar per ils uffants che fan gugent gieus cun/en l'aua.